

Kmobu bolung

Bale ba we, ini srriyung mosa kmobu bolung ma plaling qcurux rudan ta ita Seediq, phlisun daha ka seediq mpkobu bolung ma mplaling qcurux; seediq mbserux kesun daha. Ani si niqan naq gaya ta msuupu mosa smcudu qcurux ka ita Seediq alang. Kiya we asi ka misan mpqhedu kingal knkawas, nirih daha so pnsknama mpsmmesung.

Bobo wada kmciyuk Tanah Tunux ka rudan ta ita Seediq de, wada psteqan Tanah Tunux gaya ta msuupu mosa smcudu qcurux alang di. Ini huwa ka mosa kmobu bolung, so kingal tnsapah, tndadan ma msdangi msuupu mosa kmobu bolung. Ciida hanyan we hbaro bale tminun kobu bolung ka seediq alang, mkmosa kmobu bolung de mdaadis nanaq ka kingal tnsapah. Uxe de tndadan ma mnsdangi, ani naq daha seediq ma teru seediq mssnegul mosa kmobu bolung, ini durun hbaro seediq.

Mhedu mpprengo mesa mmaha kmobu bolung dige, knama muduh sraki daha bolung de bobo mnekan. Snraki nii we snalu daha tnabus paye ma macu, sgimax ido macu tmunun, so hei bnae knpruwan na, kika duhan

daha bobo bagah puniq de, malu riyung sknexan denu. Bbiyan mosa siyo ruru alang, klaun daha nanaq ka ruru niqan bolung. Mpaha kobu ciida, krmanun daha paha kobu truma snraki na ma, ksiiyo ruru kmobu ma, riqun daha btunux bobo kobu, icu daha psbuli bobo qsiya ka kobu peni.

Mgrebu caman so kusun ka saun daha pstotuy ka kobu, ani naq ini keegu pnsaan daha we egu ka nngalan daha, ado egu bolung ma qcurux ka cbeyo. Moda pkobu hii ka qcurux ma so sgidi duri, uxe wano bolung ka ngalun daha. Ita Seediq we niqan ta gaya msaasu, dehuk alang de psugun seediq kssiyo sapah ka nngalang. Mqaras bale ka drudan pnsugan bolung nngalan daha.

Egu bolung ma qcurux ka ncbeyo, anu ini posa iyu ma ini betaq bateri seediq ciida. Ani naq kesun cmcudu rudan ta cbeyo, ini dehuk pnhuqil kana wawa bolung ma qcurux ka kiya. Ani si ini daha ccdui ka bolung, saun daha kmobu, uxe duri we liihun daha qsiya yayung ma qrapun daha. Ini knteetu mosa kmobu duri, asi naq so mkmekan texal bolung ge mosa dhenu.

115 年全國語文競賽臺中市複賽臺灣原住民族語言朗讀文章 【德固達雅賽德克語（原稱：德固達雅語）】 國中學生組 編號 2 號

以蝦筓捕蝦

賽德克族有依部落捕魚捉蝦的 Gaya，大多在冬季年終舉行。當時有很多的部落族人編製蝦筓，想去捕蝦不會邀集很多人。捕蝦的下午會開始烘烤蝦餌，蝦餌是用米糠製成，再混以小米飯搓揉成圓形狀，用火炭烘烤後會具有香味。傍晚時分會把蝦餌放進蝦筓，並沿著溪邊設置蝦筓再用石塊壓住，避免蝦筓浮出水面。次日清晨把蝦筓撈起，會捕獲很多的蝦子。賽德克族有分享的祖訓，會把蝦獲量分送鄰居，耆老們也會因為分得捕獲的蝦子而高興。